

ТАНИЛЦУУЛГА

*Хүнсний гол нэрийн барааны үнэ,
2012 оны 7-р сарын 4-ний байдлаар*


2012 оны 7-р сарын 4-ний байдлаар гол нэрийн барааны үнийг дүнгээр нь өмнөх сарын дундаж үнэтэй харьцуулахад 0.8 хувь, өмнөх 7 хоногийнхтой харьцуулахад 0.2 хувиар өссөн байна.

Махны дундаж үнэ: 2012 оны 7-р сарын 4-ний байдлаар өмнөх 6-р сарын дундаж үнэтэй харьцуулахад үхрийн махны үнэ 0.1-1.1 хувь, адууны махны үнэ 0.7 хувь, ямааны махны үнэ 2.4 хувь, хонины /ястай/ махны үнэ 4.5 хувиар тус тус өссөн байна.

Өмнөх 7 хоногийн үнэтэй харьцуулахад үхрийн махны үнэ 0.7-1.6 хувь, хонины /ястай/ махны үнэ 1.4 хувь, адууны махны үнэ 0.4 хувь, ямааны махны үнэ 2.6 хувиар өсчээ.

2012 оны 7-р сарын 4-ний байдлаар 1 кг хонины /ястай/ махны үнэ дунджаар 7500 төгрөг, хонины цул мах 8092 төгрөг, үхрийн /ястай/ мах 8186 төгрөг, үхрийн цул мах 9406 төгрөг, ямааны мах 5950 төгрөг, адууны мах 6500 төгрөгийн үнэтэй байв (Зураг 1; 2).

Зураг 1. Ястай махны жижиглэн худалдааны дундаж үнэ **Зураг 2.** Цул махны жижиглэн худалдааны дундаж үнэ




Гурилын үнэ: 2012 оны 7-р сарын 4-ний байдлаар гурилын үнэ өмнөх 6-р сарын дундаж үнэтэй харьцуулахад “Алтан тариа” ХК-ны задгай 1-р зэргийн гурил 0.7 хувиар өссөн байна. Өмнөх 7 хоногийн дундаж үнэтэй харьцуулахад “Алтан тариа” ХК-ны савласан дээд гурилын үнэ 0.1 хувиар өсчээ.

Будаа, элсэн чихрийн дундаж үнэ: 2012 оны 7-р сарын 4-ний байдлаар элсэн чихрийн үнийг өмнөх 6-р сарын үнэтэй болон, өмнөх 7 хоногийнхтой харьцуулахад тогтвортой байна.

Цагаан будааны үнийг өмнөх 6-р сарын дундаж үнэтэй харьцуулахад 0.4 хувиар өсч, харин өмнөх 7 хоногийнхтой харьцуулахад тогтвортой байлаа (Зураг 3).

Зураг 3



Төмс, хүнсний ногооны дундаж үнэ: 2012 оны 7-р сарын 4-ний байдлаар төмс, хүнсний ногооны үнийг өмнөх 6-р сарын дундаж үнэтэй харьцуулахад луувангийн үнэ 3.6 хувиар өсч, сонгины үнэ 0.7 хувь, төмсний болон байцааны үнэ 1.4 хувиар буурлаа.

Өмнөх 7 хоногийн дундаж үнэтэй харьцуулахад байцааны үнэ 1.1 хувь, төмсний үнэ 0.9 хувиар буурчээ. Харин лууван, сонгины үнэ үнэ тогтвортой байлаа.

Сүү, өндөг, ургамлын тос, цөцгийн тосны дундаж үнэ: 2012 оны 7-р сарын 4-ний байдлаар өмнөх 6-р сарын дундаж үнэтэй харьцуулахад задгай сүүний үнэ 14.3 хувь, 1 литрийн савлагаатай сүүний үнэ 0.5 хувиар буурсан бол, 0.5 литрийн савлагаатай сүүний үнэ 2.1 хувиар өсчээ.

Өмнөх 7 хоногийн дундаж үнэтэй харьцуулахад харьцуулахад задгай сүүний үнэ 7.7 хувиар буурч, 0.5 литрийн савлагаатай сүүний үнэ, 1 литрийн савлагаатай сүүний үнэ тогтвортой байлаа.

Ургамлын тосны үнийг өмнөх 6-р сарын үнэтэй харьцуулахад 0.3 хувиар буурч, өмнөх 7 хоногийнхтоа харьцуулахад тогтвортой байна.

Цөцгийн тосны үнийг өмнөх 6-р сарын дундаж үнэтэй харьцуулахад 6.6 хувиар буурч, өмнөх 7 хоногийнхтоа харьцуулахад тогтвортой байв.

Хүнсний гол нэрийн барааны үнэ, аймгаар

Хүнсний гол нэрийн барааны 7 хоногийн үнийн судалгаанд аймгийн төвүүдээс гурил, хонь, ямаа, үхрийн мах, цагаан будаа, шингэн сүү, элсэн чихрийн үнийг судалдаг (Хавсралт хүснэгт 3).

Гурилын үнэ: 2012 оны 7-р сарын 4-ний байдлаар аймгийн төвүүдийн хүнсний зах, дэлгүүрт хэрэглээ ихтэй 1-р зэргийн гурилын үнэ 620-950 төгрөгийн хооронд худалдаалагдсан байна. Гурилын үнэ өмнөх 7 хоногийнхтой харьцуулахад Дорноговь аймагт 20 төгрөгөөр өссөн байна.

Төв аймагт 1-р зэргийн гурилын үнэ хямд буюу 620 төгрөг байхад, Хөвсгөл аймагт 950 төгрөг байгаа нь өндөр үнэ байлаа.

Махны үнэ: 2012 оны 7-р сарын 4-ний байдлаар хонины махны дундаж үнэ өмнөх 7 хоногийнхоос Булган, Орхон аймагт 300-1000 төгрөгөөр буурч, Говь-Алтай, Архангай, Дархан-Уул, Өмнөговь, Дорнод аймагт тогтвортой, бусад аймагт 100-1000 төгрөгөөр өсчээ. Хонины махны үнэ 5600-8000 төгрөгийн хооронд худалдаалагдсан байна. Хонины махны үнэ Ховд аймагт 8000 төгрөг байгаа нь хамгийн өндөр үнэ байгаа бол, Баянхонгор аймагт 5600 төгрөг байгаа нь хамгийн хямд үнэ байлаа.

Үхрийн махны үнэ өмнөх 7 хоногийнхоос Баян-Өлгий, Дорнод, Ховд аймагт 200-800 төгрөгөөр өссөн бол, Сүхбаатар аймагт 500 төгрөгөөр буурчээ. Үхрийн махны үнэ Дорнод аймагт 8400 төгрөг буюу хамгийн өндөр үнэтэй байхад, Увс, Булган аймагт 6500 төгрөг байгаа нь хамгийн хямд үнэ байна.

Ямааны махны үнэ Баян-Өлгий, Увс, Ховд, Өвөрхангай, Дундговь аймагт 100-700 төгрөгөөр өссөн бол, Баянхонгор, Орхон, Дархан-Уул, Сүхбаатар аймагт 200-800 төгрөгөөр буурсан байна. Ямааны махны үнэ Говь-Алтай, Баянхонгор аймагт хамгийн хямд буюу 4800 төгрөг байхад, Хөвсгөл аймагт 7000 төгрөг буюу хамгийн өндөр үнэ байлаа.

Малын сүүний үнэ: 2012 оны 7-р сарын 4-ний байдлаар малын сүү аймгуудад 600-1800 төгрөгийн хооронд худалдаалагдаж байна. Сүүний үнэ Баян-Өлгий, Завхан, Увс, Ховд, Хөвсгөл, Орхон, Төв аймагт 100-200 төгрөгөөр буурчээ.

Цагаан будаа, элсэн чихрийн үнэ: 2012 оны 7-р сарын 4-ний байдлаар цагаан будааны үнэ өмнөх долоо хоногийнхтой харьцуулахад Ховд, Хөвсгөл аймагт 100-200 төгрөгөөр буурлаа. Аймгуудад цагаан будаа 1 кг нь 1400-2000 төгрөгөөр худалдаалагдсан байна.

Элсэн чихрийн үнэ өмнөх долоо хоногийнхтой харьцуулахад бүх аймагт тогтвортой байлаа. Аймгуудад элсэн чихэр 1 кг нь 1500-1800 төгрөгийн хооронд худалдаалагдсан байна.